

quisque diligat sicut se, alioquin si iniquitas esse convincitur quicquid in utroque negligitur, inimicus manifesto¹ Dei reputabitur qui verus amicus toto cordis amore non esse deprehenditur, dicente Domino: *'Qui non est mecum adversum me est'*², quia, quamquam non imitando quidem³ operibus, sed assentiendo mundi⁴ amatoribus reperti sunt, nequaquam tamen amici reputabuntur qui in alio aliquo quam in Domino gloriantur⁵.

His siquidem aliisque divinis institutionibus neglectis multiplicata sunt scelera nostra, praevalentibus hinc inde originalium vitiorum stimulis, quibus vexatur indesinenter mortalium conscientia, cum humanae fragilitatis animum superat ira, ardet invidia, extollit superbia, vexat discordia, impugnat odium, quod divinitus reputatur ut homicidium, sancto attestante apostolo: *'Qui odit fratrem suum homicida est'*⁶. Quibus reatibus lapsos⁷ praeoccupare faciem Domini in confessione⁸ nos summa necessitas compellit, quia divino testimonio convincimur, quod nemo bonus nisi solus Deus Spirituque sancto per prophetam testante: *'Omnis homo mendax'*⁹, et iterum: *'Vana locuti sunt unusquisque ad proximum suum'*¹⁰. Unde et qui diligit vanitatem quaerit utique mendacium¹¹: nequaquam ergo minimum scelus potest esse mendacium, quo postponitur Deus, decipitur proximus, perit et ipse dolosus, factus sibimet ipsi reus et impius, dum agendo et assentiendo amatoribus mundi damnabitur ut Deo contrarius vel inimicus.

Consideratis denique his formidolosissimis offensionibus

fol. 118.

divinis, a quibus et nemo excipitur mortiferis periculis^{*}, nisi solus ille et unus absque peccato natus, sacra testante scriptura: *'Omnes declinaverunt, simul inutiles facti sunt; non est qui faciat bonum, non est usque ad unum'*¹²: cunctis, quibuscumque debitor sum, sapientibus et insipientibus, suadeo evidentius, ut animadvertant, quatinus omni tempore — quanto magis in afflictionibus et angustiis — confitendo peccata sua unusquisque non minus quam ego divinam sibi non¹³ parvipendat fraternamque pro viribus placare misericordiam, dum tribus ego flagellis divinis monitus, id est ira principis rebusque omnibus ablati, insuper et aegritudine corporis, non murmurare aut litigare, sed humili satisfactione furores persequentium mitigare sanctorum patrum exemplo didici sanctoque cum Iob divinis in in-

1) 'manifesti' Hs. 2) Vgl. Luc. 11, 23. 3) 'quidam' Hs.
 4) 'mundo' Hs. 5) Vgl. 1. Cor. 1, 31; 2. Cor. 10, 17. 6) 1. Johann.
 3, 15. 7) 'lapsis' Hs. 8) Vgl. Psalm. 94, 2. 9) Psalm. 115, 11.
 10) Psalm. 11, 3. 11) Vgl. Psalm. 4, 3. 12) Rom. 3, 12. 13) 'nec' Hs.